



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Prima Duo Sæcula Complectens

Fleury, Claude

August. Vind. [u.a.], 1758

VD18 13322648

§. 28. Divisio Judæorum. Zelotæ.

[urn:nbn:de:hbz:466:1-66002](https://nbn-resolving.org/urn:nbn:de:hbz:466:1-66002)

ditiosis urbem tenebat, fingens se, quæ pacis essent, auditurum, altera die cum suis effugit Jerosolymam. Titus urbem servatam Præsidariis committit. Sic factum ut tota Galilæa Romanis pareret. Tito Cæsaream reduce, inde Vespasianus profectus est, ut Jamniam, & Azotum ad obedientiam adigeret, quod ubi perfecit, victor rediit. Hæc mense Decembri anni sexagesimi septimi gesta.

§. XXVIII.

Discordia Judæorum. Zelatorum insolentia.

Judæorum in tota Palæstina tanta erat discordia, ut non solum in singulis civitatibus, sed & in singulis familiis differerent; his pacem, aliis bellum poscentibus. Illis autem bellum præplacebat, quibus juvenus rerum omnium experta temeritatem augebat; horum ferociæ seniorum, & sapientiorum consilia decedere necessitas adegit. Primum egregii hi bellatores vicinorum domos expilabant, tum validioribus turmis juncti agros omnes depopulabantur, per omnia Romanis deteriores. Tandem agrestium spoliis exsatiati, undequaque convenientes in urbem Jerosolymam irruunt, tali tempore, quo nemo in tanta civitate reipublicæ

Hist. Eccles. Tom. I.

R

habe-

Sæculum I.
A. C. 67.*Jos. IV.
Bell. c. II.*

Sæculum I.
A. C. 67.

habenas tenebat; nihilo minus tanquam copiae auxiliatrices excepti sunt, cum præterea Jerosolyma quibuscunque Judææ Nationis esset communis patria. Sed brevi, quam præclaros auxiliores recepissent, apparuit; minimum erat, quod impune furarentur, sed jam primi ordinis virorum cædes, non saltem tanta crimina occultantibus noctis tenebris, verum plena meridie perpetrabant. Antypam Thesauri publici custodem, aliosque nobilitate, & auctoritate in urbe præcipuos, in carcerem detrusere, moxque eosdem, Romanis urbem voluisse tradere criminantes, indemnatos indefensosque jugulant. Sed & potentiorum in civitate æmulationes, quas factiosi maligne fovebant, eorum improbitatem non parum adjuverunt.

I. Par. 24.
12.

Tandem Ananus inter Pontifices senior, & sapientior populum in hos latrones excitavit; ipsi vero Templo in potestatem redacto, ibi se firmissime communiunt. Tum ut sibi apud populum venerationem crearent, & ostentarent potentiam, Pontifices sorte eligi voluerunt, eum antiquitus morem obtinuisse prætexentes. Igitur unam ex familiis Pontificalibus nomine Eniacim, aut Jacim, ordine duodecimam advocant, & sortibus missis, fors cecidit super quemdam nomine Phaniam, Samuelis filium ex oppido Aptha, hominem illiteratum, & agrestem, qui

qui vix tantæ Dignitatis nomen noverat. Sæculum I.
Nolentem ex agris accersitum, & vesti-
bus sacris indutum, quæ facere deberet,
docebant, insigni Religionis ludibrio. A. C. 67.

Populus effrœnem licentiam ultra
non ferens, Zelatorum tyrannidem com-
primere statuit; hoc enim speciosum no-
men sibi assumpserant seditiosi, Religio-
nis zelo nequitiam tegentes. Civitatis
Primores Gorion filius Joseph, Simeon
filius Gamaliel, & Pontifices apud ple-
bem inter cœteros maxime valentes, Je-
sus filius Gamalæ, & Ananus Anani filius
publice, privatimque stimulos populo ad-
debant; Templum a Zelatoribus indignis
modis prophanari querebantur, & si ser-
viendum, honestius Romanis, totius or-
bis Dominis, serviendum, quam scelera-
torum manipulo. His populus Zelato-
res in Templo invadit, quod eorum san-
guine contaminatum. Ipsi, inimicis ur-
gentibus, exteriori murorum circuitu de-
pulsis, ad interiorem fugerunt, quo recepti,
portas clauferunt. Ananus postes sacros
vi perfringere timuit, & populum non
purificatum in locum sanctum introdu-
cere.

Interim Joannes, qui Giscala auffu-
gerat, infrunita dominandi libidine actus,
in omnibus populo consentire simulabat,
ab Anani, aliorumque Ducum latere non
discedens, ad assentationem obsequiosus,

R 2

confi-

c. 13.

I. 14. p. 875.

I. 15.

Sæculum I.

A.C. 67.

consiliorum omnium conscius. Ceterorum proditor erat, omniumque, quæ decernebantur, ad Zelatores occultus delator. Populi Principes de fide, quam juraverat, non suspectum, ad Zelatores mittunt, ipsorum nomine de reconciliatione tractaturum. Ipse in Templum admissus, declarat, se ex partibus Zelatorum simpliciter stare, suadetque, omni mora abscissa suæ securitati consulere; Ananum ad Vespasianum misisse, qui hortarentur, civitatem celeriter occuparet. Si ipsi caperentur, nullam vitæ spem fore; nec aliud superesse consilium, quam ut externa advocarent auxilia. Zelatorum capita erant Eleazar filius Simeonis, & Zacharias filius Phalec, ex stirpe sacerdotali ambo. His factu optimum visum, ad Idumæos mittere, nationem inquietam, & violentam, semper festivo animo in prælia ruere paratam. Igitur epistolam scribunt; se in Templo obsideri, quod libertatem publicam defenderent. Ananum Romanos ad invadendam urbem sollicitasse. Quæ tamen criminatio erat conficta Joannis calumnia.

§. XXIX.

Idumæi advocati.

6. 16. 17. 18. **I** Idumæorum viginti millia præsto fuere; & advenientes quidem clausæ civitatis